

СИЗГА ТАЪЗИМ, СИЗГА ЭҲТИРОМ, МУНИС ОНАХОНЛАР, ҚАДРЛИ ОПА-СИНГИЛЛАР!



Элмира БОСИТХОНОВА,
Ўзбекистон Республикаси
Бош вазирининг ўринбосари,
Республика Хотин-қизлар
қўмитаси раиси:

САОДАТЛИ ЮРТНИНГ АЁЛЛАРИ ҲАМ БАХТЛИДИР!

Фахр билан айтиш лозимки, айни мустақиллик йилларидаги мамлакатимизда хотин-қизларга эҳтиром кўрсатиш, ғамхўрлик қилиш давлат сиёсати даражасига кўтарилди. Унинг жамият ва оиладаги ўрнини мустаҳкамлаш, ижтимоий ҳаётдаги фаоллигини кучайтириш борасида берилган эътибор туфайли бугун юртимиз тараққиётига муносиб ҳисса қўшиш мақсадида дадил одимлаётган аёллар сафи тобора кенгаймоқда.

Шарқда азалдан аёл зотиغا ҳурмат-эҳтиром кўрсатишган. Мустақиллик йилларида Президентимиз бу ҳурмат ва эҳтиром даражасини янги босқичларга кўтардилар. Мамлакатимизда оналик ва болаликни муҳофаза қилиш, хотин-қизларни ижтимоий-ҳуқуқий жиҳатдан қўллаб-қувватлаш, уларнинг сиёсий фаоллигини ошириш, касбий, жисмоний, маънавий ва интеллекттуал салоҳиятини юксалтириш, оиланинг моддий аҳволини яхшилаш, тиббий хизматлардан беғул фойдаланиш, соғлом оилани шакллантириш учун яратилган зарур шарт-шароитларнинг барчасида аёлга, унинг оиласи ва фарзандларига алоҳида меҳр, эътибор мавжуд. Президентимиз Ўзбекистон Республикаси Конституцияси қабул қилинганнинг 21 йиллигига бағишланган таътанали маросимдаги маърузасида аёلнинг бахтли ҳаётини таъминлаш масаласига алоҳида урғу бердилар.

3

УШБУ СОНДА:

«Йилнинг энг фаол журналисти» танлови	2
«Парвона»нинг Назокати — меҳмонимиз	4
Хиёнат ва жазо	6
Пул топиб, бахт топмади	7

ҲИКМАТ

Аёлни улуғламоқ
— оилани, Ватанни,
ҳаётни улуғламоқ деганидир!

Ислом КАРИМОВ

ИНТЕРФАОЛ УСЛУБЛАР ОММАЛАШМОҚДА

Мамлакатимизда ёш авлодни интеллектуал жиҳатдан салоҳиятли, ҳар томонлама баркамол инсонлар бўлиб вояга етишида таълим муассасаларининг ва уларда ёш авлодга таълим-тарбия бераётган педагог ходимларнинг малакаси, қай даражада замон талабларига мос билим ва маҳоратга эга эканлиги ҳал қилувчи ўрин тутаяди, албатта.

Шуни назарда тутиб, бизнинг коллежимизда ҳам ёшларга сабоқ бераётган ўқитувчиларнинг билим ва малакаларини ошириб боришга катта эътибор қаратишмоқда. Жамоамизнинг "Ёш ўқитувчилар мактаби", "Услубий кенгаши" йиғилишларида тажрибали ўқитувчилар ёш педагог ходимлар билан касб маҳорати ҳақида фикрлашиб, уларга зарур йўл-йўриқлар кўрсатишяпти. Бугунги кунда таълим жараёнида илгор педагогик услуб ва технологиялар, электрон таълим ресурслари ва мультимедиа тақдиротларидан фойдаланиш ҳар бир замонавий педагог учун нақадар зарур ва шартлигини даврнинг ўзи кўрсатмоқда.

Хусусан, таълим даргоҳимизда фаолият юритаётган педагог ходимларнинг компьютер техникаси ва ахборот-коммуникация технологияларидан, интернет тармоғидан фойдаланиш бўйича амалий

кўникмаларини мустаҳкамлаш мақсадида кишки таътил кунларида махсус фан ўқитувчилари томонидан ўқув курси ташкил этилди. Малакали мутахассислар томонидан компьютер сабоқларини янада мукамалроқ ўрганишди.

Яқинда замонавий таълим технологияларидан самарали фойдаланиш, интерфаол услубларга доир билимларни мустаҳкамлаш мақсадида ўтказилган қизиқарли семинар-тренинг эса мавжуд 8 кафедра ўртасида мусобақа тарзида ташкиллаштирилди. Ушбу тадбирнинг қизиқарлилиги ва таъсирчанлигини кучайтириш мақсадида тузилган ҳакамлар ҳайъати ҳар бир гуруҳ тақдимотининг илмийлиги, долзарблиги, гуруҳ фаоллиги, тақдирот маърузасининг жонлиги каби бир қатор талаблар асосида баҳолаб бордилар.

Бундай фойдали семинар-тренинг ва машғулотлар педагогларнинг касбий малакаси, методик маҳорати, маънавий, ҳуқуқий ва ижтимоий-сиёсий билимларини оширишга хизмат қилади.



Коллежлар ҳаёти

Гулноза ХОЛБОЕВА,
Шахрисабз қурилиш ва уй-жой коммунал
хўжалиги касб-хунар коллежи ўқитувчиси.
Қашқадарё вилояти.

БЕФАРҚ БЎЛМАЙЛИК

...Ворислик масаласида зарур ишларни битирган онахон бироз ўйлангандай гап бошлади: "Ҳуқуқ соҳасини яхши биласиз, яна озгина вақтингизни аямасангиз, бир масалада маслаҳатингиз керак эди".

"Ҳўш, онахон, сизни қандай муаммо ўйлантираётми?", дедим.

— Невара қизим бор, ҳозир айни 16 ёшда. Шу десангиз, қўшни вилонинг чеккароқ қишлоғида яшайдиган узокроқ бир қариндошимиздан унга совчи чиқиб турибди. Ўзимга қолса, ҳали ўқисин, дейман. Бунинг устига узок жой, ёшгина қизни узатиб юбориб, кейин қандай хотиржам ўтираман? Лекин ўғлим: "Катта ҳовли-жой, келиб-кейти туришига ўзларининг машинаси бор, биттагина на ўғил экан, топармон-тутармон. Ҳадемай бир йил ўтади-кетди, шунда никоҳ ҳам қонуний бўлади, кўнаверинг", деяпти.

— Ҳозир ҳамма маҳаллаларда бу масалага жиддий қарайдилар, — дейишимиз билан онахон нима демасликни билганимизни фахмилар:

— Телевизорда бунинг мен ҳам кўриб-эшитиб ўтираман, тушуниб қолганман. Ўғлим ҳам шунини айтаяпти, ҳозир бунақа ёшда тўй қилишга рухсат беришмас экан. Шунинг учун фотиҳа қилиб қўйсак, ким билади, балки бир амаллаб тўй қилишнинг ҳам иложи топилиб қолар, никоҳдан кейинроқ ўтишади, деяпти. Ими-жимида узатиб юборишадими, деган хавотирдаман. Фақат унаштириб қўйилса ҳам барибир-да, кейин ўқини нима бўлади? Неварамга қандай ёрдам берсам экан, деб ҳайронман, — деди.

Биз онахоннинг ҳаётни, невара қизининг эртанги тақдирини тушунган аёл экани, кеч бўлмасидан бу масалага ечим топишда тўғри йўл

танлаётганини айтиб, зарур маслаҳатлар бердик. Шу билан бирга, айти улар яшайдиган жойдаги маҳаллаларда тез кунда эрта никоҳнинг салбий оқибатлари мавзусида мутахассислар билан биргаликда ҳуқуқий тарғибот тадбири ўтказилиши режалаштирилганини ҳам айтдик. Онахон анча хотиржам тортиди ва "Ўзим ҳам сизларга ишонувдим-да", деб хурсанд бўлиб хонадан чиқди.

Биз эса тарғибот ишларида жамоатчилик фикрини жалб этиш кишиларнинг бундай ҳаётий масалаларга бефарқ бўлмасликка ундашини, эрта турмушларнинг олдини олишда ёрдам беришини онахон мисолида дилдан ҳис қилдик.

Раҳимжон САФАРОВ,
Каттакўрғон туман 2-сон
давлат нотариал идораси
нотариуси.

Ўзбекистон Журналистлари ижодий уюшмаси «ЙИЛНИНГ ЭНГ ФАОЛ ЖУРНАЛИСТИ – 2013» танловини эълон қилади

Ҳурматли ҳамкасблар!

Ўтган 2013 йилда мамлакатимиз ўзи танлаб олган ва оғишмай илгарилаб бораётган тараққиёт йўлидан яна бир довол ошди. Мустақиллик деб аталган бебаҳо неъмат, халқимизнинг фидокорона меҳнати, унинг тобора юксалиб бораётган тафаккури, эртанги кунга бўлган ишончи, эзгу орзу-интилишлари маҳсули бўлган ютуқ ва муваффақиятларимиз жаҳон ҳамжамияти томонидан янада кенг эътироф этилди.

Тараққиётнинг ўзбекона йўли, тарих ва истикбол кесишган чорраҳалар, миллий қадриятларимиз ривож, халқимиз ҳаётидаги янгиланишлар, хусусан, "Обод турмуш йили" Давлат дастури доирасида амалга оширилган ишлар оммавий ахборот воситалари фаолияти ва журналистлар ижодида устувор ўрин тутди.

Азиз ҳамкасблар, Ўзбекистон Журналистлари ижодий уюшмаси сизларни "Йилнинг энг фаол журналисти – 2013" танловида қатнашишга таклиф этади. Танловга 2013 йилнинг 1 июнидан 2014 йилнинг 1 июнигача газета ва журналларда, интернет нашрларида эълон қилинган материаллар, эфирга узатилган телекўрсатув ва радиоэшитиришлар қабул қилинади.

Материаллар танловга тахририятлар тавсияси билан Ўзбекистон Журналистлари ижодий уюшмасининг Қорақалпоғистон Республикаси ва вилоятлар бўлимлари орқали жорий йилнинг 5 июнигача муаллифнинг иш жойи, телефони, манзили ҳақидаги маълумотлар ва паспорт нусхаси илова қилинган ҳолда тақдим этилиши лозим.

"Йилнинг энг фаол журналисти – 2013" танлови ғолиблари ва совриндорларига диплом ҳамда қимматбаҳо совғалар Матбуот ва оммавий ахборот воситалари ходимлари кўнига бағишлаб 27 июнда ўтказиладиган байрам тадбирида топширилади.

Материаллар "Йилнинг энг фаол журналисти – 2013" танловига деб кўрсатилган ҳолда қуйидаги манзилга юборилиши лозим:

**Тошкент шаҳри, 100129,
Навоий кўчаси, 30-уй.
Ўзбекистон Журналистлари ижодий уюшмаси
3-қават, 30-, 35-хоналар**

**Телефонлар: 244-64-61; 244-37-87.
www.journalist.uz**

Жараён ИМТИЁЗ ВА ҚУЛАЙЛИКЛАР

Мамлакатимизда оилавий тадбиркорликни ривожлантиришга алоҳида эътибор қаратилаётгани, бу борада бир қатор қонун ҳужжатлари қабул қилинганлиги ғайрат-шижоатли, ташаббускор юртдошларимизнинг интилиши ва эзгу мақсадларига кенг йўл очмоқда. Бу турдаги тадбиркорлик билан шуғулланиб, ўз хонадонини обод, турмушини фаровон этиш билан бирга, элимизга баҳоли қудрат наф келтираётганлар кўпчилигини ташкил этмоқда.

Шуни алоҳида таъкидлаш жоизки, Ўзбекистон Республикасининг "Оилавий тадбиркорлик тўғрисида"ги Қонуни ҳамда Президентимизнинг 2010 йил 30 мартда қабул қилинган "Халқ бадийи хунармандчилиги ва амалий санъатини ривожлантиришни янада қўллаб-қувватлаш тўғрисида"ги Фармони оилавий тадбиркорлик фаолиятини ривожлантиришда муҳим ҳаётий аҳамият касб этмоқда.

Президентимизнинг 2013 йил 26 декабрдаги Фармонида мувофиқ киритилган ўзгаришлар асосида уй шароитида халқ бадийи хунармандчилиги ва амалий санъати бўюмларини ишлаб чиқариш бўйича яқка тартибдаги меҳнат фаолияти билан банд бўлган шахслар учун белгиланган солиқ имтиёзлари ҳамда оилавий корхоналар халқ бадийи хунармандчилиги ва қўлда ишланган амалий санъат бўюмларини сотишдан олиннадиган даромаддан ягона солиқ тўлови тўлашдан озод этиш ҳақидаги имтиёзлар даврийлиги 2017 йил 1 январига қадар узайтирилди.

Бу каби имтиёз ва қулайликлар туфайли хунармандчилик билан машғул оилавий тадбиркорлар ишлаб чиқараётган маҳсулотларнинг тури ва ҳажмини кўпайтириш орқали катта моддий даромад олишига ва фаолият қўламини янада кенгайтиришига эришмоқдалар. Хусусан, ўтган йилда Сурхондарё вилояти бўйича "Хунарманд" уюшмаси аъзолари, яъни уй шароитида халқ бадийи хунармандчилиги ва амалий санъати бўюмларини ишлаб чиқариш бўйича яқка тартибдаги меҳнат фаолияти билан банд бўлган шахсларга қатъий белгиланган солиқ тўловидан жами 315,5 млн. сўмлик солиқ имтиёзлари берилди. Тежалган маблағлар хунармандлар фаолиятига ижобий таъсир кўрсатиб, уларнинг замонавий техника воситаларига бўлган эҳтиёжларини таъминлаш ва янги иш ўринлари яратишга хизмат қилмоқда. Солиқ тўлашдаги имтиёзлар ҳамда имтиёзли кредит олиш бўйича яратилаётган шарт-шароитлар ушбу турдаги тадбиркорлик ривожига муҳим омил бўлиб, ўзаро рақобатдошликни таъминлашга ҳам хизмат қилмоқда.

— Биз учун яратилаётган қулайликлардан фойдаланган ҳолда ўз оила аъзоларимиз билан биргаликда кулолчилик фаолияти билан шуғулланиб келмоқдамиз, — дейди термизлик уста-кулол **Хайрулло Жўраев**. — Корхонамизда ишлаб чиқарилаётган маҳсулотларнинг харидорлириги уларнинг талаб ва эҳтиёжларга мос равишда кўп турда ва ранг-баранг қилиб тайёрланишига ҳам боғлиқ. Бунинг учун барча имкониятларга эга бўлаётганимиздан мамнунимиз. Жорий йилнинг шу даврига қадар 7 млн. сўмлик маҳсулот ишлаб чиқариб, истеъмолчиларга етказдик.

Бундай мисолларни қўллаб келтириш мумкин. Ҳаётга изчил татбиқ этилаётган мустаҳкам ҳуқуқий асослар туфайли халқ хунармандчилиги ва амалий санъатининг турли йўналишларига асосланган оилавий тадбиркорлик замон талаблари даражасида равақ топмоқда.

Илёс РАҲМАТОВ,
Сурхондарё вилоят давлат
солиқ бошқармаси ахборот
хизмати бошлиғи.

Элмира БОСИТХОНОВА,
Ўзбекистон Республикаси Бош вазирининг ўринбосари,
Республика Хотин-қизлар кўмитаси раиси:

САОДАТЛИ ЮРТНИНГ АЁЛЛАРИ ҲАМ БАХТЛИДИР!

(Давоми. Боши 1-бетда)

Давлатимиз раҳбари қайд этганидек, «Қачон аёл ҳаётдан рози бўлади? Қачонки, оиласи тинч, рўзғори фаровон бўлса, эртанги кундан кўнгли тўқ бўлса». Ҳаммамиз яхши биламиз, ҳаёт ташвишсиз бўлмайди, лекин шу ташвишлар камроқ бўлса, енгилроқ бўлса, ана шунда аёл ҳаётдан рози бўлади.

Этироф этиш керак, мустақиллигимизнинг ўтган даври мобайнида Ўзбекистонда хотин-қизларнинг ҳуқуқ ва манфаатларини ҳимоя қилишга қаратилган мустаҳкам қонунчилик базаси ҳамда уни амалга ошириш механизмлари яратилди.

Айниқса, қишлоқ жойларда уларнинг меҳнат ва яшаш, турмуш шароитларини яхшилаш, аёлларни тadbиркорлик фаолиятига кенг жалб этишга қаратилган ишларнинг самарали ташкил қилинаётгани хотин-қизларга бўлган эътибор ҳамда ғамхўрлик янада юқори босқичга кўтарилганини амалда намоён этмоқда.

Президентимизнинг "Соғлом бола йили" Давлат дастури тўғрисида"ги қарорига биноан, жорий йилда Республика Хотин-қизлар кўмитаси, унинг жойлардаги тузилмалари зиммасига улкан, айти пайтда долзарб вазифалар юклатилди. Бугунги кунда асосий эътиборни "Соғлом она — соғлом бола" тамойилига мувофиқ, оналик ва болаликни муҳофаза қилиш, оила, маҳалла, таълим масканларида соғлом турмуш тарзини кенг қарор топтиришга қаратганмиз.

Шу ўринда мамлакатимизда аҳоли саломатлигини асраш, айниқса, оналар ва болалар соғлигини таъминлашга жиддий эътибор қаратилаётганини қайд этиш жоиз. Хусусан, давлатимиз раҳбари ташаббуси билан пойтахтимиз ва вилоятларимизда замонавий тиббий ускуналар билан жиҳозланган диагностика, скрининг ва перинатал марказлари, янги туғуруқ мажмуалари барпо этилаётгани, ўз навбатида, кўплаб ирсий касалликларнинг олдини олиш ва даволашни юқори даражага кўтариш имконини бермоқда.



Соғлом бола соғлом онадан туғилади, соғлом турмуш тарзи қарор топган оилада вояга етади. Бу эса аёлларга янада кўпроқ эътибор қаратиш, уларни кадрлаш, турли касалликлардан ҳимоя қилиш, асраб-авайлашни тақозо этади. Аёлларни соғломлаштириш масалаларида Соғлиқни сақлаш вазирлиги, "Соғлом авлод учун" халқаро хайрия жамғармаси, тиббиёт соҳасидаги ўқув даргоҳлари, Скрининг марказлари билан ҳамкорликни мустаҳкамлаш, аёллар ва болалар саломатлиги билан боғлиқ ноҳуш ҳолатларни камайитириш, қишлоқ врачлик пунктлари ва оилавий поликлиникалар фаолиятини яхшилаш каби йўналишларда бир қатор тизимли ишлар амалга оширилмоқда.

Хотин-қизларнинг маънавий эҳтиёжларини таъминлаш йўналишида маҳалла маслаҳатчилари ҳамда отинойилар билан ишлашнинг халқчил тизимлари йўлга қўйилди. Кам таъминланган оилалар қизларини касб-хунарга ўргатиш, олий ўқув юрлари талаба қизлари, хусусан, оилали ва ётоқхоналарда яшовчи қизлар билан ишлаш, уларга ёрдам кўрсатиш, ётоқхоналарда маънавий муҳитни соғломлаштириш, қизларнинг маданий савиясини ошириш, таълим тўғрисидаги фаолиятини янада ривожлантириш масалаларида ҳам бир қатор ижобий натижаларга эришганмиз.

Маълумки, Президентимизнинг 2004 йил 25 майда-

ги "Ўзбекистон Хотин-қизлар кўмитаси фаолиятини кўллаб-қувватлаш борасидаги қўшимча чора-тадбирлар тўғрисида"ги Фармонида хотин-қизлар кўмиталари бошланғич ташкилотларининг ролини ошириш, уларнинг тизимли ва ҳамкорликдаги ишини янада кучайтириш вазифаси белгиланган.

Ҳозирги кунда Президентимиз томонидан қабул қилинган "Соғлом бола йили" Давлат дастури тўғрисида"ги қарорда ҳам оилани мустаҳкамлаш, ёш оилаларни маънавий, моддий жиҳатдан қўллаб-қувватлашга алоҳида эътибор қаратилган. Йиллар синовидан муваффақиятли ўтиб келаётган қадриятларимизни асосий тарбия вазифасига айлантиришда маҳалла фаоллари, ва албатта, хотин-қизлар кўмиталари бошланғич ташкилотларидан яна ҳам фаолроқ, фидойироқ бўлиш талаб этилади.

Ҳозирги кунда кўмитамиз тизимида 40930 та бошланғич ташкилотлар рўйхатга олинган. Уларнинг фаолиятини яхшилаш борасида ишлаб чиқилган уч босқичли дастурга асосан, дастлаб уларнинг ҳуқуқий базаси мустаҳкамланиб, хотин-қизлар кўмиталари бошланғич ташкилотлари раислари сафи юқори малакали кадрлар билан тўлдирилди. Иккинчи босқичда, кадрлар тизимида кечаётган жараёнлардан хабардор этилиб, уларга хотин-қизларга оид давлат сиёсатининг ўс-тувор йўналишлари ва мак-

садлари ҳақида кенг тушунчалар берилди. Ниҳоят, сўнгги босқичда барча тармоқ ва соҳалардаги бошланғич ташкилотлар фаолиятига алоҳида эътибор қаратилди. Бугунги кунда улар ўзлари фаолият юритаётган тизимда аёлларга оид ислохотларни кенг тарғиб этиб келмоқдалар.

Эндиликда хотин-қизлар кўмиталари бошланғич ташкилотлари билан биргаликда аёллар ўртасидаги мавжуд муаммолар аниқланиб, бу масалаларнинг ижобий ечимини топиш ва уларни жойларда бар-тараф этишга эришмоқдамиз. Хотин-қизлар билан боғлиқ муаммоларнинг бар-тараф этилиши ҳақида гап кетганда, уларнинг турмуш шароитини яхшилаш, оилалар фаровонлигига эришиш борасида амалга оширилаётган ишлар кўз олдимизда намоён бўлади. Шу ўринда, хотин-қизлар ўртасида тadbиркорликни, оилавий бизнес, касаначилик ва хунармандчиликни ривожлантиришда бир қатор ташкилотлар билан ҳамкорликда амалга оширилаётган лойиҳалар ҳақида ҳам тўхталиб ўтмоқ жоиз.

Маълумки, хотин-қизлар ўртасида тadbиркорликни ривожлантиришга ҳуқуқимиз томонидан берилган эътибор туфайли уларни иш ўринлари ва имтиёзли кредитлар билан таъминлаш янгиқа босқичга кўтарилди. Айти пайтда юртимизнинг ҳар бир ҳудудида ўзига хос хунармандчилик турлари ривожланган. Касаначилик фаолиятининг йўлга қўйилиши натижада аёлларбоп кўплаб хуналар қайта тикланди. Хизмат тақозоси билан чекка-чекка қишлоқларга борганимизда, уйда фарзанд тарбияси билан банд бўлган ошанингиларимизнинг каштачилик, зардўзлик, тикувчилик каби момомерос хуналар билан шуғулланаётгани ва замонавий буюмлар яратётганига гувоҳ бўламиз. Кўмитамиз томонидан тadbиркорлик билан машғул бўлган

аёлларнинг олти мингга яқинига бошланғич иқтисодий билимларни эгаллаш, кичик бизнесни қай тарзда ривожлантириш, ҳисоб-китоб қилиш ва бошқа йўналишлар бўйича зарур маслаҳатлар берилди. Биргина ўтган йилнинг ўзида хотин-қизлар учун 466 445 та янги иш ўринлари яратилди. "Микрокредит-банк" ОАТБ томонидан хотин-қизлар тadbиркорлигини ривожлантириш учун ажратилган 56,8 млрд. сўм кредитлар ҳисобига 20 185 нафар аёллар иш билан таъминланди.

Шуни қувонч билан таъкидлаш керакки, ҳар йили аънавий равишда 8 март — Халқаро хотин-қизлар кунини байрами арафасида Президентимиз ташаббуси билан таъсис этилган Зулфия номидаги Давлат мукофоти совриндорлари номлари матботда эълон қилинади. Этироф этиш лозимки, адабиёт, санъат, фан, таълим, маданият, спорт соҳасида муваффақият қозонаётган, аъло ҳуқуқ ва юксак иқтидорли қизларга кўрсатилаётган бундай беқиёс рағбат дуненинг қайси бир давлатида бор? Ушбу нуфузли мукофот совриндорлари сони бугун 196 нафарга етди. Эътиборли жиҳати шуки, иқтидорли қизларимизнинг изидан юзлаб, минглаб истеъод соҳибалари ерғашмоқда.

Хотин-қизларимизнинг мана шундай эъзозу эҳтиромда экани биз учун чексиз ифтихор, шу билан бирга бизларга билдирилган катта ишонч ҳамдир. Шундай экан, фидойилик, меҳнаткашлик, ўзининг аёллик вазифасини урдалаш, оналик рутбасини асраш, оқил фарзандларни тарбиялаш, жамият ривожига ҳисса қўиш, иқтидоримизни халқ фаровонлиги йўлида сарфлаш бизларнинг энг ўстувор вазифамиз бўлиб қолавереди.

Оила ўз номи, мақоми билан миллат келажагини белгилаб берадиган, бир сўз билан айтадиган бўлса, ўлмас қадриятларни авлоддан авлодга мерос қилиб қолдирувчи улкан бешиқдир. Жамият эса ана шу муқаддас қўрғон устунини, яъни аънавий ва қонуний асосини белгилаб берувчи мустаҳкам ҳимоя қалъасидир. Демак, саодатли, тинчлик ва фаровонлик барқарор бўлган юртининг аёллари, оналари ҳам бахтлидир десак арзийди. Байрамингиз муборак бўлсин, мўтабар онажонлар, оқила аёллар, дилбар ва лобар қизларжонлар!

ЗУЛФИЯЧИЛАР БИЛАН УЧРАШУВ

Ўзбекистон Хотин-қизлар ҳамда Тошкент вилояти хотин-қизлар кўмитаси ҳамкорлигида Тошкент давлат аграр университетда "Обод юртининг бахтли қизлари" мавзусида маърифий тadbир ўтказилди. Учрашувда таъкидланганидек, юртимизда йилдан-йилга иқтидорли қизлар сафи кенгайиб бораётгани мазкур мукофот учун ўтказилаётган танлов-

да қатнашаётган истеъодлар сонининг ортаётганида ҳам намоён бўлмоқда.

— Мен бугунги тadbирда "Қизиқарли математика", "Инглиз тилини ўрганамиз", "Қичкинтой биласанми?" каби мультимедияли маҳсулотлар асосидаги дастурларимизнинг тақдироти билан иштирок этмоқдаман, — дейди Зулфия номидаги Давлат

мукофоти совриндори Мухаббат Тоирова. — Ушбу ишланмаларим кичик ёшдаги болаларнинг компьютер қаршида вақтларини бекорга ўтказмасдан, қизиқарли ўйинлар орқали инглиз тили, математика ва бошқа фанларни ўрганишлари ва интеллектуал салоҳиятларини янада ошира олишларига хизмат қилади. Санъаткорларнинг қуй ва қўшиқ-

лари, оналар улуғланган ва баҳор мавзуларида ўқилган шеърлар тadbирга янада кўтаринки руҳ бағишладди.

Тadbирда Ўзбекистон Республикаси Бош вазирининг ўринбосари, Республика Хотин қизлар кўмитаси раиси Элмира Боситхонова қатнашди.

Барно МИРЗААХМЕДОВА,
"Оила ва жамият" мухбири.

Ўзбек Миллий академик драма театри актёри, Ўзбекистонда хизмат кўрсатган артист Гулчехра Иброҳимбековани нафақат телеэкран орқали, балки кўча-кўйда кўрган мухлисларнинг кўз ўнгига ҳам ҳамон ўша, ҳаммамиз кўрган ва билган "Парвона" спектаклидаги ажойиб образлардан бири бўлган Назокат гавдаланиши табиий. Бир пайтлар қалби ишқ-муҳаббатга лиммо-лим қиз образини яратиб, томошабин меҳрини қозонган актриса бугун ҳам тинмай ижод қилаётир ва шу билан бирга, саккиз нафар неваранинг сеvimли бувижониси сифатида оилада меҳрибонлик бобида бошқаларга ибрат.

"ПАРВОНА"НИНГ НАЗОКАТИ

— Гулчехра она, мухлислар даврасига кирганингизда сизга кўпроқ қандай савол билан мурожаат қилинади?

— Энг аввало, оилангиз ҳақида гапириб беринг, дейишганини кўп эшитаман. Икки қиз, бир ўилнинг она-симан. Умр йўлдошим Турғунбек Иброҳимбеков педагог, Тошкент маданият коллежида режиссёрлик фанидан дарс беради. Албатта оила, фарзандлар ҳақида сўзлаш ҳар бир аёл учун фахрли. Аммо, у агар санъаткор бўлса борми, ҳар икки қутбни ҳам барабар олиб бориш бошқаларга қараганда бизларга қийинроқ. Бунинг учун жилдий сабр-тоқат, маҳорат ва, албатта, тажриба зарур. Ҳаётнинг ўнқир-чўнқир сўқмоқларидан ўтишга, яъни баъзан юқорида чикиш, баъзан қуйироққа тушиб кетишга тўғри келади. Турмушнинг элагига ўзини алд тутиб қолганларига ҳам санъатни, ҳам оилани бирдай эплай олишни ушбулар экан. Оллоҳга беадад шукрлар бўлсинки, мен бу чиғирқлардан эсон-омон ўтаяман, деб ўйлайман.

Эсимда, болаларим кичкиналикларидан касал бўлишига қарамай, дори-дармон, егуликларини сумкага жойлаб, гастроль сафарларидан бирга олиб юрган кунларим ҳам бўлди. Тақдир экан, ота-онамдан сўнг кетма-кет учала жигаримдан айрилиб қолдим. Бу йўқотишлар мени эсанкиратиб қўйди, тушқунликка ҳам тушардим. Шундай пайтларда мени оила аъзоларим, қадрлиқ театрим жамоаси, сахнадошларим суяди, қолаверса, яратган образларим руҳан далда бўлди.

— "Бегона баҳор" фильмидаги мураккаб характерли қайнона роляни ўйнаганингизда ҳали ўзингиз қайноналик мартабасига эришмаган экансиз. Ушбу ролянинг ҳаётда сиз қузатган прототиплари бўлса керак?

— Сценарийни қўлимга олганимдан сўнг унинг мазмунан салмоғи, моҳиятига эътибор бердим. Тўғри, ҳеч бир сценарий тайёр асар ҳолатида бўлмайди. Уни пухта қилиб мукамаллаштириш режиссёрдан тортиб актёргача — ҳар

бир ижодкорнинг маҳорати га боғлиқ. Асарни ўқиганимдан сўнг қайнона роли сал маишйроқ чиққандай туюлди, уни томошабинларнинг дунёқарашларига ҳам озми-кўпми мослаш керак, деган фикр ўйғонди. Албатта, қайнона образини ҳаётдан олган-

тароғи йўқ эди. Эрталаб ишга кетаётганимда ҳам, қайтаётганимда ҳам кўчадаги ўриндиқда чақалоқ кўтарган ёки эндигина оила кўрган ёшгина келинчақлар гурунглашиб ўтиришарди. Бир кун тасодифан уларнинг суҳбатлари

қулоғимга чалиниб қолди. Гап-сўзлари қайнона билан бирга яшолмасликларини ҳақида эди. Шунда, аччиқ бўлса ҳам, қайнонанинг ҳурматини жойига қўйишмаса, эртага шу ҳол



ман. Шулардан бирининг феъл-атвори бироз қаттиқроқ эди, бироқ у ҳам она-ку, унда ҳам қалб бор, деган ўйда ролдаги қайнона образини анча юмшатиб ўйнашга ҳаракат қилдим. Айрим оналар қайноналик мартабасига эришгач, ўларнинг келинлик даврларини эсдан чиқариб қўйишди. Ахир мен қайнонаман-ку, демак, ҳар доим иззату эътиборда бўлишим зарур, деган ўйда келинни қийнаб қўйганини гўёки сезишмайди. Менимча, аслида бу ана шундай фикрловчи аёлларнинг ўзини илм-маърифатли қилиш ҳақида унча ўйламаслиги ёки кам ўқигани, майда-чулда нарсаларга андармон бўлиб, ҳаётни теран назар билан кузатмагани, тажрибасизлигидан келиб чиқади. Биласизми, бир учрашувда ёш қайноналардан бири ёнимга келиб: "Келинимга беҳуда азоб бериб юрган эканман, шу фильмин кўрганимдан кейин кўзим очилди", деганди. Бу сўзларни эшитиб, меҳнатимиз зоё кетмаганига жуда хурсанд бўлганман.

— Қайнонали келин қарқара келин, дейишди, бу қизик иборатга қандай қарайсиз?

— Ўз ҳаётим мисолида фикр билдирсам. Катта оилага келин бўлиб тушганман. Қайнукаларимни уйлантирганымидан кейин икки боламиз билан кўп қаватли уйга кўчиб ўтдик. Қўни-қўшни аёллар орасида бирорта ҳам ёши кат-

ўзларига қайтишини мисол қилиб айтиб бердим. Ҳар ким экканини ўради, деган нақшнинг маъини яхшилаб тушунтирдим. Қайнона-қайнодасининг дуосини олган келинларини ҳаётда, ён-атрофимда жуда кўп кўрганман. Бундай оилавий муносабатларда уларни ҳар бирининг яхши фазилатларини тарғиб этадиган фильмлар сони кўпайса, дейман.

Шу ўринда яна бир мисолни келтирмоқчиман. Келиним Азизахон шифокорлар оиласида улғайган. Кўпроқ бувиси ва бобосининг тарбиясини олган қиз. Тўйдан олдин икки қула аёл учрашиб, айрим нарсаларни келишиб олдик. Артист халқини кўпчилик бой-балавлат яшайди, мол-давлати кўп бўлади, деб ўйлайди. Бизнинг бойлигимиз ўзимиз билан бирга, мухлисларимни менинг ҳаётда олтирган бор бойлигим, деб билмаган. Қирқ йил педагогик қилган умр йўлдошим ўқувчиларга сабоқ беришдан завқланиб юради. Хуллас, тўйни ҳам имкониятимизга қараб ўтказишимизни айтдим. "Ҳозир ҳамма катта-кичик маросимлар ресторо-ларда ўтказилиб, ҳовлида файз қолмаяпти. Келин саломини уйда қиламиз. Қизингиз чарлар кўрмадим, деб хафа бўлма-син. Олинг қула, беринг қула, деб ўртада юрадиган матоларни бизга кераги йўқ, сиз ҳам ортиқча уринманг", деб очик-ойдин мақсадимни тушунтирсам, қулам "Вой, кинодаги

Гурунг



қайнонанинг бутунлай акси экансиз-ку", деди қулиб. Шундангиз қайнона бўланглар, деб ўйнаганман-да, дея мен ҳам ҳазиллашдим...

— Кинода ўйнаган ролларингизга нега ўзингиз овоз бермагансиз?

— Дубляж санъати ҳақида сўз кетганда Ҳамза Умаров, Тўлқин Тожиёв, Обид Юнусов, Эркин Маликбоева, Римма Аҳмедова, Диас Раҳматов ва яна ўнлаб устоз санъаткорларнинг номларини эслаш жоиз. Улар овоз берган фильмлар, қайси тилдан таржима қилинган бўлмасин, томошабинга ўта моҳирона тарзда етказиб берилган. Тасвирдаги актёрдан ҳам ошириб юборишарди, шу қадар табиий чиқардики, уларда заррача сунъийлик йўқ эди. Номдор санъаткорларнинг айтишларича, илгари дубляж учун ҳам алоҳида танловлар ўтказилиб, унда сараланган овозларгина жалб этилар экан. Санъатга эндигина қадам қўйган пайтларимда мен ҳам кичкинагина эпизодга овоз бериш учун эрталабдан кечгача дубляж хонасида ўтиришимга тўғри келган. У пайтларда синхрон овоз бўларди. Кўриш қобилиятим панд берганлиги боис ўзим дубляжда қатнаша олмайман. Шунинг учун мен ижро этган ролларга кўпинча ажойиб актриса Муқддас Холиқова овоз бераёпти.

— Сиз билан гўзаллик, нафосат рамзига айланган байрам — 8 март Халқаро хотин-қизлар кўни арафасида дийдорлашиб турибмиз. Санъатсевар халқимизга байрам тиллақларингизни изҳор этсангиз.

— Аёлини, онани бежиз яратувчи эканлигига иппора эътишмайди улуглар. Демак, бундай улуг бахтга етказганига ҳар қанча шукрона айтсак-да камлик қилади. Шу боис, мен чексиз фахру ифтихор билан хотин-қизлар улугланган, қадр-қиммат топаётган юрда яшаб, ижод қилаётганимдан гурурланаман. Фарипшасифат момо-жонлар, дуогўй онажонлар, дилбар дугонажонлар, толеи қулган қизларим, барча-барчангизни кириб келаётган баҳор айёми билан чин юракдан табриклайман! Сизларга бахти ва бағри бутунлик ҳамиша ҳамроҳ бўлсин!

"Оила ва жамият" муҳбири
Нигора РАҲМОНОВА
суҳбатлашди.



НОВВОТ ВА НАБОТ

— тилимизда шакар қиёмидан тайёрланадиган сариқ рангли кристалл шаклидаги қаттиқ ширилик "новвот" ёхуд "набот" деб аталади. Хўш, бу сўзнинг асл илдизи қандай маънога эга? Тилимизда "наботот" деган сўз бор. Ўсимликлар олами шу сўз билан ифодаланади. Айни шу "наботот" сўзи "новвот" сўзига алоқадор. Яъни "набот" деган сўз "ўсимлик", "ўт" маъносини ифодалайди. "Новвот" сўзи ҳам шу маънодан келиб чиққан.

Сен борсанки,
кенг воҳада ҳаёт бор,
Демак, юртнинг
лабида бол, набот бор.
Эркин Воҳидов

Бу ясси қирғоқларда
боболар ётур,
Тугмадир ҳар ялпиз,
ҳар шох, ҳар набот.
Миртемир

ОХАНРАБО — тилимизда ўзига тортувчи, ўзига жалб этувчи, мафтун этувчи, фусункор маънолари "оҳанрабо" сўзида ифодланади. "Оҳанрабо" сўзининг туб илдизи "оҳан" — "темир", "рабо" — "ўғирловчи" деган мазмунни билдирган.

Кишилиқ тарихи давомида оҳанрабо ва кейинчалиқ электрон кварц соатлар яратилган.

Газетадан

ПАСПОРТ — тилимизда муайян давлат фуқароси эканлигини ҳамда эгасининг шахсини кўрсатувчи ва тасдиқловчи ҳужжат "паспорт" сўзи билан ифодаланади. Хўш, ушбу халқаро сўзнинг туб илдизи қандай маънога эга? "Паспорт" сўзи асли французча бўлиб, унинг туб илдизи "порта" кириш" ёки "порт орқали ўтиш учун рухсатнома" деган мазмунни билдирган.

Эшқобил ШУКУР
тайёрлади.

"ЎЗБЕККЎМИР"

ОЧИҚ АКЦИЯДОРЛИК ЖАМИЯТИ — ЮКСАЛИШ БОСҚИЧИДА

Бутунги кунда "Ўзбеккўмир" очик акциядорлик жамияти мамлакатимиз саноат тармогининг муҳим бўғинларидан бири сифатида кўмир ёқилгисини қазиб олиш, аҳоли ҳамда иссиқлик электр станцияларини ушбу маҳсулотта бўлган эҳтиёжини таъминлаш борасида ибратли ишларни амалга ошириб келмоқда. Айни пайтда "Ўзбеккўмир" ОАЖ тизимда 11 та филиал, битта унитар корхона, 7 та дистрибьютор маркази фаоллият юритмоқда, уларда жами 6427 нафар ишчи-хоним меҳнат қилмоқда.

Истиқбол йилларида ушбу тизимнинг 20 нафардан зиёд илғор ва ташаббускор ишчи-хонимлари давлатимизнинг юксак мукофотлари — орден ва медалларига сазовор бўлишди, уларнинг 100 нафардан зиёд кўкрак нишонни билан тақдирланди.

Тизим таркибидаги корхоналарда оғир ишларга жалб этилмаган ҳолда аёллар ҳам меҳнат қилишади, улар учун бир қатор зарур имтиёзлар белгиланган.

Шуни алоҳида таъкидлаш жо-

изки, ишчи-хонимларнинг соғлигини ҳар томонлама муҳофаза қилишга алоҳида эътибор қаратилапти, барча қулайликларга эга бўлган бир неча тиббиёт пунктлари ишлаб турибди. Шу билан бирга, "Ўзбеккўмир" ОАЖ бир-



лашган касабга уюшмаси томонидан жамият аъзоларини соғломлаштириш мақсадида "Ботаника", "Чортоқ", "Умид гулшани", "Нурафшон", "Чинобод" каби сўхатгоҳларга йўлланмалар ажратилмоқда.

Жамият филиаллари, унитар корхоналари ишчи-хонимларига,

уларнинг оила аъзолари ва фарзандлари, шунингдек, тизимда меҳнат қилиб, ҳозирда кексалик гаштини сураётган пенсионерларга санаторийлар, дам олиш уйлари ва болалар оромгоҳларига йўлланмалар бериб боришмоқда. Хусусан, 2013 йил давомида 131 нафар ишчи-хонимлар сўхатгоҳларда соғломлаштирилиб, мароқли дам олиб қайтишди. Тизимда меҳнат фахрийларининг ҳар бирига ҳар йили энг кам иш ҳақининг уч барабари миқдоридан бир марталик моддий ёрдам кўрсатишмоқда. Улар учун Тошкент, Бухоро ва Самарқанд шаҳарларига саёҳатлар уюштирилмоқда.

"Ўзбеккўмир" ОАЖ таркибидаги корхоналарда турли спорт мусобақалари ўтказиш анъанага айланган. Жумладан, ўтган йилда кончилар касб байрамига, август ойида мамлакатимиз Мустақиллигининг 22 йиллигига бағишлаб филиаллар ва унитар корхоналар ўртасида спартакиада ўтказилди. Мусобақада жами 81 нафар аёл 4 та спорт тури бўйича қатнашдилар ва ғолибларга қимматбаҳо совғалар берилди.

Реклама ўрнида

Шукӯҳ

Омон МАТЖОН,
Ўзбекистон халқ шоири.

ОНА ДЕГАН СЎЗ

Юлдузлардан сирқилиб шабнам,
Уфқ билан кўришганда ер,
Офтобга кипригим билан
Она сўзин ёддим гўё шеър.

Аму оқар мисоли булут,
Уфқ бўлиб оқади Аму,
Қирғоқини этса ҳам унут,
Майсаларни унутмайди у!

Ҳар кўкат, ҳар баргининг номига
У элтади тоғлардан тағзим,
Она деган сўзнинг ёнига
Чизгим келди МАЙСАнинг расмин.

Капалак ранг, булбуллар оҳанг
Кашфи билан маст бўлган лаҳза,
Она сўзин қаватига ман
Ёзиб қўйдим БАҲОР деб аста...

Мен жо этдим Она номига
Ерни сўнгги гардизига то.
Энди Она сўзи ёнига
Дадил ёзиб қўяман: ДУНЁ!

Мен юлдуз деб уни қуйлайман,
У Ватандир, У Арши аъло.
Мен унга минг ташбеҳ ўйлайман,
Етказурман миллионга ҳатто...

Ерда, леким минг-минглаб одам
Она номин билса муқаддас,
Уруш деган биргина сўздан
Оналарни сақлай олур бас!

Зикрилла НЕЪМАТ

ЎЗБЕГИМ ГЎЗАЛЛАРИ

Ўзбегимнинг гўзалларини позу ибоси гўзал,
Позу ибоси бирла яна шарму ҳаёси гўзал.

Юзларининг нақш олмаю, кўзларини шаҳлолиги,
Сочларининг сунбуллиги, қошин қароси гўзал.

Атлас кийиб чиқса, оҳ-оҳ, бу дунёга ўт кетар,
Хонатласу ипақларини ял-ял жилоси гўзал.

Ишқ бобиди улар Лайли ила Ширинга тенг,
Севгисига садоқату аҳдга вафоси гўзал.

Гўзалликда Кумушою Раёнолардан дарс олиб,
Халқимга хос одобию поэтик адоси гўзал.

Гоҳ меҳрибон волидаю, гоҳ азиз она-сингил,
Гоҳ ёрижон бўлиб дилга сочган зиёси гўзал.

Санамларга Самарқанду Бухорони бахш этиб,
Бўлган Ҳофиз Шерозийнинг назму навоси гўзал.

Зикрилла ҳам шайдо бўлиб гўзалларни мадҳ этар,
Гўзаллар борки, шоирнинг икки дунёси гўзал.

“ЎЗБЕККЎМИР”

ОЧИҚ АКЦИЯДОРЛИК ЖАМИЯТИ ЖАМОАСИ

МУСТАҚИЛ МАМЛАКАТИМИЗ ТАРАҚҚИЁТИГА БЕҚИЁС ҲИССА
Қўшаётган азиз она-сингилларимизни, юртимизнинг
барча аёллари, мунис онахонларимизни 8 март —
Халқаро хотин-қизлар кунин байрами билан самимий
муборакбод этади!

Сизларга жозибали баҳор фаслининг бетакрор
гўзалликлари, оилавий саодат, бахту иқбол
ҳамиша ҳамроҳ бўлаверсин!



Байрамнингиз
муборак бўлсин!

РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ўқув маркази

куйдаги ўқув курсларига таклиф этади:

Тикувчилик — 3 ой.
Тўй ва оқшом либослари — 1-2 ой.
Аёллар костюм-шими, плаш-пальто — 1-2 ой.
Ҳамшира — 6 ой. 4 ой ўқиш, 2 ой амалиёт.
Ҳамшира (тезкор) — 3-4 ой (амалиёти билан).
Тиббий массаж — 3 ой (2 ой ўқиш, 1 ой амалиёт).
Торт ва пишириқлар — 2 ой.
Олий торт безатиш курси — 1 ой.
Уйғур, Европа таом ва салатлари — 2 ой.
Жаҳон таомлари — 2 ой.
Аёллар сартарошлиги — 3 ой.
Тўй ва оқшом турмаклари ва макияж — 1 ой.
Бухгалтерия ҳисоби — 3 ой (0 дан балансгача).
Элита парда ва чойшаблар тикиш — 1 ой.
Элита парда ва чойшаблар тикиш олий курси — 1 ой.

Бичиш-тикиш, моделлаштириш ва малака ошириш — 1 ой.
Сартарошлик — 2-3 ой (ўғил болалар учун).
Тирноқ, киприк ўстириш ва дилеция — 1 ой.
Каштачилик — 3 ой (машинкада вышивка). Тўқувчилик — 3 ой.
Инглиз тили — 3 ой, рус тили — 3 ой, турк тили — 3 ой, корейс тили — 3 ой.
Бисер, яъни мунчоқ тикиш — 2 ой.
Декоратив гул ясаш — 1 ой. Сарпо қути ва саватлар ясаш — 1 ой.
Бисердан гуллар, дарахтлар ясаш — 2 ой.
Карвинг (мева ва सबзавотлардан композиция ясаш) — 3 ой.
Компьютер сабоқлари — 2 ой, Интернет — 1 ой.

Барчаси амалиёти билан. Ётоқхона мавжуд.

Ўқишни тугатганларга ДИПЛОМ берилади.

МАНЗИЛ: Юнусобод тумани 3-мавзе 1-уй 31-хона. МЎЛЖАЛ: Юнусобод деҳқон бозори бош тарафи орқасида.

Тел: (8371) 221-17-95, 221-77-72, +99894 678-50-30 225-97-93 (18⁰⁰ дан 22⁰⁰ гача).

ФИЛИАЛ МАНЗИЛИ: Ҳамза тумани йўли қўчаси 4-уй 40-хона. МЎЛЖАЛ: Қўйлик кийим бозори рўпарасида. ТЕЛ: (8371) 295-97-82, +99894 678-50-30 (қундузи)

ҚУТЛАЙМИЗ!



8-март — Халқаро хотин-қизлар кунин муносабати билан меҳрибон умр йўлдошимни ҳамда дилбар қизларимни самимий табриқлайман. Барчаларига узоқ умр, сўхат-саломатлик тилайман!

Эҳтиром Билан Абдуқодир ака Салимбоев.
Тошкент вилояти
Бекобод тумани

...Севара менинг энг якин дугонам, сирдошим эди. Иккаламизнинг ҳам адабиётга меҳримиз баландлиги боисми, кўришиб қолсак, соатлаб суҳбатлашар, бир-биримизга ўзимизнинг қораламаларимизни кўриб берардик.

Шу орада мен турмуш қурдим ва оила, уй юмушлари, болалар билан андармон бўлиб, ёзмай қўйдим. Энг қизиги, ҳеч нарса ёзмаётганим мени безовта қилмасди ҳам. Бир пайтлар ўзимча бошқалардай ёзувчи бўлгим келганди, холос. Севара эса худди илҳом дарёсида сузиб юарди. У билан бор-йўғим, қувончу ғамим, дилимдаги неки дардларим бўлса, бемалол баҳамлашардим. Назаримда, дугонам менга ҳар доим ҳам юрагини очавермас эди-ю, лекин барибир биз бир-биримизни дўст деб билардик.

Бундан беш йилча аввал бир танишим онасидан қолган билагузукни олиб келди-да, яхшироқ миждоқ чиқса, сотмоқчилигини айтди. Тилла буюмларга ўчлигим боис, ўша билагузукни кўрдиму, қандай бўлмасин, харид қилгим келди. Эримга айтсам, у: "Бир ой олдин тилла занжир олиб бердим, бир оз сабр қилсанг-чи", деди жаҳли чиқиб. Бироқ, бундай қадимий матоҳни қўлдан бой бергим келмади. Севарадан тўрт миллион сўм қарз сўрадим. У эса кулиб: "Дугонажон, мени аввалги дугонам деб ўйлапсанми? Агар билсанг, у аллақачон бор-йўғидан айрилган. Сенга сездирмаганим. Хозир ўзимга ёрдам керак", деб қолди. Мен уни тушунгандек эдим, аммо ичимда барибир хафа бўлдим. Сабаби, ишонмадим. Кейинчалик бу воқеа ҳақида умуман эсламай ҳам қўйдим.

Ўтган йили, адашмасам, июнь ойлари эди. Севара бизниқига келди. Унинг хурсандлиги кўзларидан билиниб турарди. У ҳам қувончини яширмади. Телевидениеда намойиш этилган "Яхшилиқ" кўрсатуви орқали Сабоҳат опа деган аёл билан танишгани, унга ўша инсон ёрдам берганини тўлқинланиб гапириб берди. Ҳатто, у билан она-бола тутинибди. Яна бошқа бир куни келди-да, хозирда Сабоҳат опа шифохонада даволанаётгани, дугонам чақалоғини кўтариб, уни кўрганни боранглигини айтди. У ҳалиги савобталаб опани мактаб гапиргани сари менинг ич-ичимдан гаирлигим келаверди.

Яна бир куни Севара боласини кўтариб бизниқига келди. Қўлида қалин бир папка ҳам бор эди. У менадан: "Компьютерингдан фойдалансам, майлими?" деди. Мен нима ёзмоқчи эканини сўрадим. Шунда у Сабоҳат опаси ҳақида қундаликсифат китобча ёзганлиги, турилган кунда шуни совға қилмоқчилигини айтди. Ўша куни компьютерим бандлиги учун у кўлёмасини кўчирилмади. Биз узоқ гаплашиб ўтирдик. Севара кетар чоғида боласи билан овора бўлиб, стол устига қўйган кўлёмани унутиб қолдирибди. Мен атайин индамадим. У кетгач, кўлёмани ўқиб қиддим. Асар мактуб тарзида ёзилган бўлиб, "Етимлик гуноҳи, онажон!" (Қайнонасига), "Суюнганим — ёрим деган эдим-а..." (Умр йўлдошига), "Нега мени ташлаб кетдингиз?" (Ота-онасига), "Қизи

йўқлик айбми?" (Келинларига), "Ишонганим, суюнганим ўзингиз!" (Фарзандларига), "Сени укам деганман!" (Баходирга) номли олти мактубдан иборат эди. Унга "Аёл ҳисларини яширган дафтар" деб ном қўйибди.

Кўлёмани ўқиб чиқиб, жуда таъсирландим. Тўғриси, ўзимни қўйга ж о й

ХИЁНАТ ВА ЖАЗО

топа олмай, икки ўт орасида қолдим. Бир кўнглим дугонамга яхшилиқ тиласа, иккинчиси эски гина баҳона бўлиб, ундан ўч олишга ундарди. Ўзимни унинг олдида ҳаётдан қолиб кетган, уй ишидан бошқа нарсани билмайдиган бир одамдек ҳис қила бошладим. Ўз-ўзидан Севарага нисбатан нафратим ортиб, ичимда унинг оёғига болта ургим келаяпти, деб юбордим.

Эртаси куни дугонам келиб, кўлёмани мабодо сениқда қолдирмабманми, деб сўради. Мен пинагимни-ям бузмай, "йўқ" дедим. Шундан кейин биз кўлёмани "қидирдик". Афсуски, "топилмади". Дугонам роса хафа бўлди. Унга қўшилиб "мен ҳам". Сўнг у кўлёмасиз ҳам ишлай олишини айтди. Мен компьютерим шу кунларда банд, деб баҳона қилдим.

Хуллас, Сабоҳат опасини ёмонлаб иккита хат ёздим. Хатларни Севаранинг қўлига қаердан келганини билмайдиган тарзда дугонамга етказдим. Буни қарангки, мақсадимга ўзим ўйлагандан ҳам зиёдароқ эришдим. Кўлёмани эса ёқиб юбордим. Севара бўлса бу ҳақиқатни Сабоҳат опанинг душманлари ёзган, деб ўйлаб, опасини оғох этиш мақсадида хатларни унга олиб бориб берган. Хатда опанинг фақатгина Севарагагина айтиб берган воқеалар ёзилгани учун (мен уларни кўлёмадан олганман) уни нотўғри тушуниб, улар қаттиқ афалашиб қолишади. Ҳеч нарсадан хабари йўқ шўрлик дугонам яна олдимга келиб, шундай гаплар бўлганини айтиб, роса йўғлади. Унга ташимда ҳамдардлик билдирган бўлсам-да, ичимдан хурсанд бўлдим. Чунки мен ўзимнинг гараз ниятимга етган эдим...

Фалакнинг гардишини қарангки,

ТАХРИРИЯТДАН: Муаллифнинг исми ўзгартириб берилётган ушбу мактубни ўқиб, "Вожаб, ёмонлиқнинг инсон ҳаёлига келмайдиган шакли-шамойили кўп экан-да", дейсиз беихтиёр. Яхшилигу ёмонлиқнинг ҳар бирига Вақт ва тақдирнинг жавоби ҳам ўзига яраша қайтаверishi ҳаётда бор гап. Хулоса қилмоқчи эмасмиз. Чунки, бизнингча, хулоса айтмоқ ҳаққи Севара ва Сабоҳат опада қолган...

Хатлар — тақдирлар

дугонамнинг оёғига урилган болта бир куни келиб ўз оёқларимни кесишини мен ношуд қаёқдан ҳам билибман?! Машинада кетаётиб, қутилмаганда автоҳалокатга учрадик, вожаб, фақат мен қаттиқ шикастландим. Шифохонада ўнг оёғимни тиззасидан кесиб ташлашга тўғри келди. Дардим ичимда, ўз ёғимга ўзим қовурилиб ётибман. Севарага қилган хиёнатимдан пушаймон бўлиб, бошимни қайга уришни билмай, азобдаман. Шунчалик қабиҳликка борганимга ишонгим

келмайди. Ўзи менга нима керак эди? Умр йўлдошим, икки ўғлим, ҳамма ҳава қилгудек ўзига тўқ оилам бўлса... Афсуски, бу ҳақиқатни кеч англадим. Кўзим очилганида аллақачон бир оёғидан айрилган ногиронга айланиб қолгандим. Мен шунчалар виждонсизимдими, ўз дўстимга хиёнат қилдим, қўлида чақалоғи билан тиниб-тинчимай, ижод қилаётган дугонамнинг истеъдодини кўролмадим...

Яқинда яна шифокор кўригига бўлдим. Айтишларига қараганда, иккинчи оёғимни ҳам операция қилиш керак экан. Очиғи, юрагим оркамга тортиб кетди. Бунисини ҳам кесиб қўйишларидан қўрқаман. Шу орада мен Севарадан кечирим сўрамоқчи, тавба қилиб, унга бор гапларни айтмоқчи бўлдим. Аммо эрим уришиб берди. Лекин виждоним қийналиб кетаяпти. Нима қилай?

Кечирим сўрай десам, эрим: "Мен бундай шармандалиқни кўтаролмайман", деяпти. Сўрамайман, десам виждон азоби қўймапти, тақдир мени буткул мажруҳ бўлиб қолишим билан жазоласа-чи? Шу боис сизларга ғойибона мактуб ёзишга аҳд қилдим. Сизлардан илтимос, Сабоҳат опа ва Севарага бор ҳақиқатни айтиб, улардан узр сўрашимда ёрдам берсангиз. Ўзига ўзи тубан кўринаётган мендек нотавонни агар кечира олишса, кечиринсин.

Сабоҳат опажон, ғойибона бўлса, сизни (кўлёмма орқали) яхши танийман. Шу боис сизни бағрикенг, олижаноб аёл деб биламан. Шу нарсани айтишим керакки, Севара сизни ҳақиқатан ҳам ўз онасидек яхши кўрарди. У сизга қаттиқ ишонарди. Билмаганингиз учун мени қарғамаганиз. Лекин, шундоқ ҳам қилмишимга яраша ҳаётнинг ўзи жазо берди. Энди кўзим очилди.

Севара, сиздан ҳам бошим ерга теккунича эгилиб, қаршингизда тиз чўкиб кечирим сўрайман. Қанийди кечирсангиз, зора худойимнинг ҳам раҳми келиб, икки болам ҳаққи, бир оёғим омон қолса...

**Эҳтиром билан
НОИЛА.**

ФОЙДАЛИ МАСЛАҲАТЛАР

Газ печида кичик пишириқларни баланд оловда, йирикларини эса пастроқ оловда пиширган маъқул.

Сабзини сувда пишираётганда бир чимдим ичимлик содаси солсангиз, унинг ранги чиройли бўлиб, тез пишади.

Салатлар учун қайнатиладиган сабзавотлар қанча йириклигича қайнатилса, ўз таркибидаги минералларни шунча кам йўқотади.

Агар сочларингиз тез-тез ёғлашиб, тўкила бошласа, хар нонуштада биттадан тухум истеъмол қилишни қанда қилманг.

Иш куни ўртасида мудроқ босаётганини сезсангиз, тезда қаҳва ёки кўк чой дамлаб ичганингиз маъқул. Улар таркибидаги кофеин сизни қувват билан таъминлайди.

Гидамларни тозалашдан олдин уни оқ мато билан артиб чиқиш лозим. Агар гидам ранги матога урса, бу гидам кимёвий усул билан тозаланади.

Қаҳва ва какао доғини кетказиш учун 2 чой қошиқ глицеринни тухум сариғига қўшиб аралаштиринг ва шу аралашма билан доғларни артинг. Кейин илиқ сувда кир совун билан ювиб ташланг.

Балиқ қовурилганда ундаги кўпгина фойдали элементлар йўқолиб кетади. Шу сабаб уни бугда пишириб истеъмол қилган фойдалироқ.

Иммунитетни мустаҳкамлашда фитнес, йога, сузиш ва эрталаб югуриш жуда яхши самара беради.

Ёғдан қолган доғларни кетказиш учун нашатир спиртини ишқалаб артинг.



Сўлиган атиргулларни бир неча соат ваннада совуқ сувга қўйиб "тирилтириш" мумкин.

Озишни истовчилар овқатланишдан 15 дақиқа олдин олма ейишни қанда қилишмаса, таъсирини тезда сезишади.

Кўзгуга доғ тушмасин десангиз, уни куёш нури тушишидан сақланг.

Дераза ромлари ва ойналаридан ҳашаротларни узоқроқлаштириш учун, уни сиркали сув билан ювиб туринг.

Гулноза БОБОЕВА тайёрлади.



МУШУКДАН КИМГА ФОЙДА?

Қадим-қадимдан кўплаб ёввойи хайвон ва паррандалар одамларнинг қайсида кундалик эҳтиёжини қондирганликлари учун хонақилишиб борган. Хатто, дунёнинг турли ҳудудларида яшовчи турли элатларда бу хайвонларнинг баъзи турларига эътиқод ҳам қилишади. Масалан, Ҳиндистонда сигирларга, Австралида кенгуруга. Ҳиндлар сут бергани учун сигирда она тимсолини кўришса, австралияликлар кенгурунинг орқага тисарила олмаслиги, фақат олдинга ҳаракат қилишини мамлакатнинг сиёсий-иқтисодий юксалишида рамзий асос қилиб олишган. Ҳўш, ёқимтой жонивор мушукнинг одамзод турмуш тарзида қандай ўрни бор?

Машҳур тарихчи Геродот мушуклар ҳақида: «Қадимги Мисрда кўчаларда мушукларга йўл беришган. Агар уйга ўт тушса, биринчи навбатда мушуклар олиб чиқилган. Мушукларни азоблаш — Худога қаршилиқ дея тушунилган. Мушукларнинг ўлими оила учун катта йўқотиш ҳисобланган», — деб ёзган. Римликлар мифологиясида эса мушук мустақиллик рамзи сифатида баҳоланган. Уларнинг тушунчасига кўра, Тинчлик худоси Либертад мушукни эъзоэлаган экан. Машҳур қуллар кўзғолонининг дохийси Спартакнинг байроғида ҳам мушук расми тасвирланган.

Ҳар ерда мушукнинг рангига боғлиқ ҳар хил тушуна бор. Буюк Британияда уч рангли мушук барака, қувонч келтирса, сариқ мушук мухаббат билан пул олиб келади, деб ишонишган. Қора мушук бойлик хабарчиси ҳисобланган. Агар қора мушук қутилмаганда уйга келса — яхшиликнинг белгиси. Уни ҳеч қачон уйдан қувмаган маъқул. Бўлмаса, у бойлиқни ўзи билан бирга олиб кетади, деб ишонишган.

Қадимда Хитойда мушук «Мао» дейилган. Уларнинг ишонишларича, мушук яшашликнинг қафили. Япон денгизчилари сафарга сариқ мушукни олиб чиқишган. Қизиги шундаки, кемага офат ҳавф солса, қаҳри тутган тангридан кечирим сўраш учун мушукни сувга улоқтиришган. Рус денгизчилари янги кеманинг ичига биринчи мушукни қўйиб юборишган. Сабаби, мушук кема ичини жин-шайтонлардан тозалайди, деб ишонишган.

Х асрдаги денгиз қароқчилари узоқ сафарга чиқишда қора мушукни ўзлари билан олиб кетишар экан. Шундай қилса, сафар яхши бўлади, деб тушунишган. Денгиз офати пайтида биринчи бўлиб мушукларни қутқаришган. Мушукни ҳўрлаш — кеманинг сувга қўқишига олиб келади, деб ўйлашган. Ҳар бир денгизчи уйда қора мушук сақлаган. Уларнинг аёллари ҳам қора мушук эри ва болаларини бало-қазолардан асрайди, деб ишонишган.

Мушукнинг асабини тинчлантириш хусусиятини эшитгансиз, лекин кўплаб хонадонларда мушук сақла-нишининг ҳаммамизга маълум бир сабаби бор, яъни мушук уйни зарар-қунанда сичқонлардан ҳимоя қилади.

Наргиза СИДДИҚОВА
тайёрлади.



ПУЛ ТОПИБ, БАХТ ТОПМАДИ

Газетанинг 2013 йил 18 декабрь сонидagi «Телефонда... жавобимни берди» номли мақола муаллифи, андижонлик Саёҳат исми аёлнинг тақдирини эшитиб қаттиқ таъсирландим ва тахририятдан унинг телефон рақамини олиб, ўзига кўнғироқ қилдим.

Биринчи марта гаплашганимизда Саёҳат «Уэр, ҳозир банд эдим, кейинроқ кўнғироқ қилинг», деди. Эртаси куни яна телефон қилдим, у: «Дам олаётгандим», деб жавоб берди. Тўғриси, унинг бир хил, мужмал жавобларини эшитиб жаҳлим чиқди ва қайта безовта қилмайман десам, олам «Эҳ, укам-а, ҳар қандай аёлнинг ҳам нози, фироғи бўлади, балки ростдан ҳам гаплашишга ийманаётгандир», деб яна кўнғироқ қилишга ундади. Бу гал у гапларимни жимгина эшитди, хатто учрашувга чиқиш ҳақидаги таклифимга ҳам рози бўлди. Эсимда, ўша куни қор гупиллаб ёғиб турганди. Келишилган жойга етиб келиб, уни икки соат кутдим, келмаганидан сўнг ортга қайтиб кетдим. Телефон қилсам, олмади.

Хуллас, Саёҳат билан учрашмасдан айрилдик. Балки унинг бошқа мақсадлари бордир. Ниҳоят, яна сизларга мурожаат этишга мажбур бўлдим. **Ёшим 35 да.** Ҳаётда омадим чопса-да, аммо умр йўлдош танлашда адашган эканман. Аёлим билан етти йил бирга яшади, бир қизимиз бор. Ҳаммаси хотиним ишга кирганидан кейин бошланди. У уч-тўрт сўм пул топа бошлагач, айниди ва энг даҳшатлиси, у менга хиёнат қилди. Суд орқали расмий ажралдик ва қизимнинг тақдирини ўйлаб, уйни уларга ташлаб чиқиб кетдим. Ҳозир туманимиз марказидан бошқа уй сотиб олдим. Агар инсофли, уйим-жойим дейдиган аёл бўлса хабар берсангизлар.

СУЛАЙМОН,
Андижон вилояти.

ОНАСИНИ КЎРСАК...

Умр йўлдошим оламдан ўтгач, қизим иккисининг тақдирини ўйлаб, ҳеч кимга турмушга чиқмадим. Ўғлимдан умидларим катта бўлгани боис уни ўқитиб, олий маълумотли қилдим. Ўз соҳаси бўйича ишга жойлашди. Ўғлим Санжарбек 24 ёшида Мухайё исмли бир қизга кўнғил бериб, у билан учраша бошлади. Келин томонни сўраб-суриштирдик, қўшнилари қизи яхшию, лекин аввал онаси билан бир учрашинг, тақдир билан ҳазиллашманг, деб маслаҳат берди. Ўғлим эса, «Яшайдиган бизлар-ку, онасини кўриб нима қиласиз?» деб туриб олди. Мен уларга сездирмасдан, бир куни бўлғуси қудам билан кўришдим. Қутилмаганда, ҳе йўқ, бе йўқ, ҳалиги аёл бақриб кетса-да: «Нега менинг қизимни ўғлингиз йўлдан уриб юрибди, ҳамма гапиряпти, тўй қачон деб.» Мен, ишонасизми, озғимниям очолмай қолдим. Шу кунгёк ўша аёл ўғлимга ҳам кўнғироқ қилиб, унгаям бўлар-бўлмас гапларни айтибди. Қутилмаган бу дилхиралик туфайли асабим бузилиб, қон босимим ошиб, шифохонага тушиб қолдим. Бу кўнғилсизликдан кейин ўғлимнинг ҳам кўзи очилди. Онасини кўриб, қизини ол, деб бежиз айтилмаганига амин бўлдим. Ҳозир Санжарбекнинг ишлари яхши, синглисини ўқитди, алоҳида уй-жой сотиб олди. Ўғлимнинг ёши **30 да.** Ичиш-чекиш каби зарарли одатлардан бутунлай холи. 25-27 ёшли олий маълумотли қизлардан бўлса келин қилиш ниятидаимиз.

МАЪМУРА опа,
Тошкент шаҳри.

ЎЗИ КЕЛДИ ЁР-ЁР

Ассалому алайкум, ҳурматли тахрири!

Мен сизларга Навоий вилоятдан мактуб йўллапман. Ёшим етмишда, фахрий педагогман. Уч ўғлим бор, кенжаси Салимининг ёши **37 да.** Бундан етти йил илгари у хорижга ишлагани бориб, Надежда исмли қизни

уйимизга етаклаб келди ва биз бир-биримизсиз яшай олмаимиз, деб туриб олган, тўй қилдик. Очиги, келинги бизнинг оилавий муҳит, урф-одатларимиз, шарт-шароитимиз маъқул келмаганлигини бошдаёқ кўнғилим сезганди. Аммо кўникиб кетар, деб умид қилдик. Надя бир йил ўтмай, ўғлим билан жанжаллаша бошлади ва келган юртига қайтиб кетаманга тушди. Бунинг устига, ўрталарида фарзанд ҳам йўқ эди, хуллас, уларни боғлайдиган ришта бўлмагач, ажралишди. Ҳозир Салим тузуққина жойда ишляпти. 35 ёшгача бўлган, касби-кори тайин, саришталли, бир нафар фарзанд бор аёл чиқса, уни уйлан-тирардик.

НАРИМОН ота,
Навоий вилояти.

ТИББИЙ КЎРИКДАН ЎТОЛМАДИ

Ўтган йилнинг баҳорида қўшни туманда яшовчи Мирзохид исмли йигитдан қизим Марғубага совчилар кела бошлади. Узоқроққа узатмаймиз, дейишимизга қарамай, куда томон қоп-қоп ваъдалар бериб, бизларни кўндиришди. Учрашувга чиққан қизим, «Йигит жуда кўп йўталарканми, рангирўйи ҳам синикқанроқ», деб норози кайфиятда қайтиб келди. Қизимнинг кўнғили барибир чопмади. Бу ҳақда дадасига айтсам, фотихаси бузилган қиз бахтсиз бўлади деган гап бор, деб оғиз очиршига қўймади. Тўйдан бир ой олдин қизим, тиббий кўрикдан қувё билан бирга ўтаимиз, деб шу масалага жиддий киришди. Афсуски, бўлғуси қувё тиббий кўрикдан ўтолмади. «Бахтли бўлинг» рукнига мурожаат қилаётган кишилардан ҳам тиббий маълумотнома талаб қилинаётгани жуда тўғри қарор бўлибди. Яқинда сизларнинг беминнат ёрдамларингиз туфайли қизимга муносиб бўлган, касби-кори тайин, соғлом қувёга фотиха қилиб қўйдик. Насиб этса, Наврўз куни тўйларини нишонлаймиз.

ХОСИЯТ опа,
Сурхондарё вилояти.

ТАБИАТ – ДОРИХОНА ★ ТАБИАТ – ДОРИХОНА

КУЧ-ҚУВВАТ МАЛҲАМЛАРИ

Баҳор фасли бошланиши билан инсон танасида бироз ланжлик ҳолати сезилади. Бундай пайтда танага қувват берувчи чой ва ичимликлар ичиш тавсия этилади.

★ Япон олимларининг таъкидлашича, лимон таркибида тана тонуси ва меҳнат қобилиятини оширадиган модда мавжуд экан. Бу лимонли ичимлик осон тайёрланади. Бир пиёла иссиқ сувга 2 дона лимон шарбати сиқилади. Сўнг таъбга кўра, шакар қўшиб бироз совитилгач, ичиш мумкин.

★ Ёнғоқ ва асалдан иборат аралашма ҳам тана тонусини оширадиган табиий воситалардан бири-дир. Ёнғоқ мағзини тўйиб, унга тенг миқдорда асал қўшилади. Ушбу асалли аралашмани кунига 2 маҳал овқатдан кейин ейилса, тана фаоллиги ошади.

★ 4 стакан майдаланган игнабарг (хвойные) устидан 3 стакан қайнатилган сув қуйилиб, унга 1 дона лимон шарбати қўшилади. Сўнг уни қоронғи жойда 2 кун тин-

дириб сақланади. Уни вақти-вақти билан аралаштириб туриш лозим. Ушбу шарбат кунига бир стакандан ичилади.

★ Куйидаги ажойиб ичимлик эса юрак томир тизими, ҳужайралари ҳамда мушакларини мустаҳкамлайди. Шунингдек, асабларни тинчлантириб, шамоллашдан ҳам ҳимоя қилади. Анорнинг нордон мазаси ичимликка ўзгача таъм бериб, айниқса, баҳор бошланганда, қиш бўйи ҳолсизланган танага қувват бахш этади. Бунинг учун термосга 1 ош қошиқ далачай (звѐрабой) солиб, устига 1 стакан қайноқ сув қуйиб, бир соат дамлаб қўйилади.

Бироздан кейин уни сузиб олгач, икки дона ўртача катталиқдаги анор шарбати сиқиб қўйилади. Тайёр бўлган бу ичимликни кунига 1/3 стакандан озроқ минерал ёки қайнатилган сув қўшган ҳолда ичилади.

★ Малина таркибида фойдали С витамини кўп бўлганлиги туфайли баҳор кунлари ҳолсизланганда қувватни тез тиклайди. Бу ажойиб мевадаги В дармондориси эса киши кайфиятини яхшилаб, зўриқшини ҳам бартараф этади. Малинали чойни тайёрлаш учун 4 чой қошиқ қурилган малина мевалари устига 2 стакан қайноқ сув қуйилиб, 2-3 соатга ўраб, димлаб қўйилади. Уни кунига 2-3 маҳалдан сув ўрнида ичиш лозим.

Латофат САЪДУЛЛАЕВА тайёрлади.



ЎРГИМЧАК ТЎРЛИ "НАҚШ"

Хизмат юзасидан идорамизга келган кишилар билан ҳар кун мулоқотда бўламиз, зарурат туғилганда, ҳуқуқий маслаҳатлар берамиз.

Навбатда турганлар орасида онаси билан келган йигитнинг ажабтовур кийинганлиги диққатимни тортди. Эғнидаги оппоқ кўйлагининг орқа қисмига тўрга осилиб турган ўргимчак сурати туширилган, шимиға эса кичик ямоқлардан "нақш" солинган, сўқсудай йигитнинг ўйламай-нетмай бундай кийинганини кўриб бош чайқадим. У оғзидаги сақични кетмакет чайнаб, сўнг бурнини ёпғудай бир шишириб кўярди. Ажабо, сочининг бир қисми калта қилиб олинган, яна бир қисми эса устарада тарошланганга нима дейсиз. Навбатда турган мижозларни менсимаётгани жаргон сўзлар билан ўзича



пичирлаб "койингани"дан шундоқина сезилиб турарди. Сабри чидамадим, онасига "мамаша, тезлатворинг", дея такрорларди.

Ниҳоят, уларнинг ҳам зарур ҳужжат ишлари якунланган, кийиниш маданияти ҳақидаги мулоҳазаларимни аёлниги ўзига, оз бўлса-да, айтишни жоиз кўрдим. Шунда аёл кулимсиради ва:

— Кўриб турибсиз, ёшларимиз шуни хошлашяпти, бу энди табиий бўлиб қолди, ёшларни тўғри тушуниш ҳам маданият белгиси ҳисобланади, — деди-ю гапимни бошқа эшитишни истамагандай бироз зардаомузлик билан хонадан тезда чиқиб кетди.

Бу ҳам аслида оммавий маданиятнинг кўринишларидан бири экани, оилада салгина эътиборсизлик туфайли бундай "мода"га қизиқиб қолган йигит-қизнинг маънавиятига, тарбиясига путур етиши, "оммавий мадани-

Ойна

ят" ўша тасвирдаги ўргимчак тўридай онг-шуурини чирмашга уриниши мумкинлигини онасига тушунтирмакчи эдим.

Яхшиямки, ўша аёл айтганичалик бунақа алмойи-жалмойи кийиниш сира урф бўлгани йўқ, унда-бунда учраб қолаяпти, холос. Шу ҳолатдан ҳам англашиладики, ҳаммаси оилавий тарбияга боғлиқ. Ёшларни тўғри тушуниш уларнинг нотўғри хатти-ҳаракатларини ҳам рағбатлантириш дегани эмас-ку!

Турли ёшдаги ўғил-қизлар телевизор ёки компьютер орқали томоша қилаётган айрим сериаллар, мультфильмлар, қолаверса, видео тасвири дисклар, интернетдаги оммавий маданиятга оид манбалар кўп. Ёш болалар олдида беҳаё тасвирларга бой фильм ва сериал томоша қиладиган ота-оналар ҳам йўқ эмас.

Фарзанднинг келажагидан умид қилган, меҳр-оқибатли бўлиб ўссин, деган ота-оналар бундай ҳолатга асло бефарқ бўлмайдилар. Бўлар бола бошидан, деганим бежиз эмас. Ён-атрофимизда ҳар бир ўсимирга ўз фарзандимиздай қараш, тўғри йўл-йўриқ кўрсатиш эса миллий қадриятларимизга хос бебаҳо фазилатдир.

Шаҳноза ЁҚУБОВА,
Бўқа тумани 2-сон давлат
нотариал идораси нотариуси.



СПОРТ...СПОРТ...СПОРТ...

31 ПОГОНА КЎТАРИЛДИ

Ўзбекистоннинг иккинчи рақамли ракетка устаси Фаррух Дўстов Франциянинг Шербур шахрида ўтказилган «Челленжер» туркумига кирувчи «Cherbourg Challenger-2014» яқкалик мусобақалари натижаларига кўра АТР рейтингда 31 поғона юқорилаб, 175-ўринни эгаллади.

Таъкидлаш жоизки, Дўстов Франциядаги мусобақалар яриш финалига чиқиб, 35 рейтинг очколарини кўлга киритган эди.

Ҳозирча Дўстов ўзининг энг юқори рейтинг натижасига 2007 йилнинг 30 апрелида эришган эди. Ушанда у 173 ўридан жой олган эди.

Ўзбекистоннинг биринчи рақамли теннисчиси Денис Истомин эса рейтингда яна икки поғона пастлаб, 56-ўринга тушиб қолди. Утган ҳафта у Дубайдаги мусобақаларнинг биринчи босқичида сербиялик Новак Жокевичга ютқазиб қўйган эди.

МЕДАЛЛАР БИЛАН ҚАЙТИШДИ

Ўзбекистон бокс бўйича терма жамоа аъзоси Камолжон Мелиев Болгариянинг София шахрида ўтказилган анъанавий 65-халқаро «Странджа» мусобақалари голиби бўлди ва унинг шарафига юртимиз байроғи баланд кўтарилиб, мадҳиясиз янгради.

49 кг.гача бўлган вазн тоифасидаги мусобақалар финалида Камол Мелиев ирландиялик Хьюман Тагарихуларни 2:1 ҳисоби билан енгиб, мусобақа олтин медалини кўлга киритди.

91 кг. дан ортиқ тоифадаги финал баҳсида эса Баҳодир Жалолов англиялик Фрезер Кларкга ютқазиб қўйди ва кумуш медални кўлга киритди.

Шундай қилиб, 1950 йилдан бери Софияда ўтказиб келинаётган ушбу мусобақаларда юртимиз жамоаси биттадан олтин ва кумуш медалларга сазовор бўлди.

AIBA қоидалари бўйича ўтказиладиган мусобақаларда Россия, Украина, Ўзбекистон, Англия, Уэльс, Италия, Германия, Бразилия, Хитой, Эквадор каби 20 дан ортиқ мамлакатлардан келган энг кучли боксчилар қатнашишди.

Интернет манбалари асосида
Илҳом ЖУМАНОВ тайёрлади.

МЕРОСНИНГ ЭГАСИ КИМ?

Агар она ўлимидан аввал уй-жойни катта ўғлига мерос қолдиришни васият қилса-ю, унинг вафотидан сўнг уй-жойни ўз номига расмийлаштиришга улгурмай ўғил ҳам бевақт оламдан ўтса, у ҳолда мерос ўша ўғлининг хотини ва фарзандларига қоладими ёки бошқа тартибда бўлинадими? Номига васият ёзилган умр йўлдошим ҳам вафот қилгач, шу савол бизни ўйлантираяпти.

З. ЖҲРАЕВА

Ўзбекистон Республикаси Фуқаролик кодексининг 1140-моддасида меросни қабул қилиб олиш ҳуқуқининг ўтиши (мерос трансмиссияси) қридалари белгилаб берилган бўлиб, агар васиятнома ёки қонун бўйича ворисликка қақрилган меросхўр мерос очилганидан кейин уни қабул қилиб олишга улгурмасдан вафот этган бўлса, унга тегиши керак бўлган меросни қабул қилиб олиш ҳуқуқи унинг қонун бўйича меросхўрларига, агар барча мерос мол-мулк васият қилинган бўлса, унинг васият бўйича меросхўрларига ўтади (мерос трансмиссияси). Мерос трансмиссияси тартибда меросни қабул қилиб олиш ҳуқуқи бундай меросхўрнинг вафотидан кейин очилган мерос таркибига кирмайди.

Меросхўрнинг Фуқаролик кодексининг 1142-моддасида назарда тутилган мероснинг бир қисмини мажбурий улуш сифатида қабул қилиб олиш ҳуқуқи унинг меросхўрларига ўтмайди.

Фуқаролик кодексининг 1135-моддасига кўра қонун бўйича биринчи навбатдаги ворислар кўрсатилган бўлиб, мерос қолдирувчининг болалари (шу жумладан, фарзандликка олинган болалари), эри (хотини) ва ота-онаси (фарзандликка олувчилар) тенг улушларда қонун бўйича биринчи навбатдаги ворислик ҳуқуқига эга бўладилар.

Юқоридаги Қонун талабларига кўра сизнинг эрингизга онасидан мерос қилиб қолдирилган уй-жой, у киши мерос очилганидан кейин уни қабул қилиб олишга улгурмасдан вафот этганлиги сабабли унга тегишли керак бўлган ме-

росни қабул қилиб олиш ҳуқуқи унинг қонун бўйича меросхўрларига, агар барча мерос мол-мулк васият қилинган бўлса, унинг васият бўйича меросхўрларига ўтади.

Бу ҳолатда эса агар эрингиз томонидан уй-жойни ўлимидан сўнг тасарруф қилиш тўғрисида васиятнома қолдирилмаган бўлса, у ҳолда турмуш ўртоғингизга онасидан васият орқали ўтиши лозим бўлган мерос мулк уй-жой юқоридаги 1-навбатдаги меросхўрларга (агарда ота-онаси бўлмаса) сиз ва фарзандларингизга (мерос трансмиссияси тартибда) ўтади. Сиз ва фарзандларингиз меросхўр бўлиб ҳисобланасизлар ва ушбу модда тартибига кўра сизлар уй-жойга мерос гувоҳномаси олиш учун мерос қолдирувчининг охириг доимий яшаб турган жойидаги нотариал идорага мурожаат қилишингиз талаб этилади.

Саволга Бухоро шахар 1-сон
давлат нотариал идораси нотариуси
М. САТТОРОВА жавоб берди.

ҚУТЛАЙМИЗ!

Мухтарам қизимиз
МОҲИНУРИ!

5 март — тава-
луд кунингиз муборак
бўлсин!

Сизга узоқ умр, си-
ҳат-салооматанг тилаш
баробарида, оналукдек
буюк бахт роҳатини
кўриб юрмоқликни
ҳамда энг гузал фасл
бўлмиш Баҳорнинг бе-
такрор гузаллиги ва ла-
тофати ҳамиша ҳамроҳ
бўлишини тилаймиз.




Самимий эҳтиром билан
ҚОДИРОВ ва ҚОСИМОВлар оналук.

Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси
(Болалар жамғармаси) ва «Соғлом авлод учун» халқаро хайрия жамғармаси

Тахририятга келган қўлёзмалар
муаллифларга қайтарилмайди.
Реклама материаллари мазмунини унун
тахририят жавобгар эмас.

«Шарқ» нашриёт-матбаа акциядорлик
компанияси босмахонасида чоп этилди.
Тошкент, Буюк Турон кўчаси, 41-уй.
Босишга топшириш вақти — 15:00
Босишга топширилди — 15:00

E-mail: oilavajamiyat@sarkor.uz



МАНЗИЛИМИЗ: Тошкент — 100000. Амир Темура кўчаси
1-тор кўча, 2-уй. Мўлжал: Олой бозори ёнида

Бош муҳаррир:
Норқобил ЖАЛИЛОВ

Навбатчи муҳаррир — Дилором
МАТКАРИМОВА
Саҳифаловчи — Илҳом ЖУМАНОВ
Мусахҳихлар — Саидгани САЙДАЛИМОВ,
Гулноза БОБОЕВА

Ўзбекистон Матбуот ва ахборот агентлигида
0169-рақам билан рўйхатга олинган. Буюртма Г
— 338. Формати А-3, ҳажми 2 табок. Адади —
10290. Баҳоси келишилган нархда.

ОБУНА ИНДЕКСИ — 176

Қабулхона: (тел-факс) 233-28-20
Котибият: 234-76-08
Мухбирлар: 233-04-50
«Оила» бўлими: 234-25-46

Web-site: oilavajamiyat.uz

1 2 3 4 5